

UPRAVA POLICIJE, Ministarstvo unutrašnjih poslova Kantona Sarajevo, ulica La Benevolencija broj 16, koju zastupa policijski komesar, Generalni inspektor policije Nusret Selimović, (u daljem tekstu: Ugovorni organ)

i

OCEAN računarski inženjering d.o.o. Travnik, Erika Brandisa 1, ID broj: 4236007060007, koga zastupa direktor Šerif Alagić, (u daljem tekstu: Izvršilac usluge)

zaključili su:

UGOVOR O NABAVCI USLUGA ODRŽAVANJA I NADogradnje SISTEMA OCEAN

Član 1.

Predmet ugovora je nabavka usluga održavanja i nadogradnje sistema Ocean za potrebe Uprave policije Ministarstva unutrašnjih poslova Kantona Sarajevo, i to:

- **Dopuna modula Kadrovske evidencije za postojeće dokumente (Matični podaci zaposlenog, Disciplinske kazne, Specijalna znanja):**
 - Konfiguracija dokumenata za nova polja
 - Kreiranje i dopuna šifrnika
 - Izmjena šprance za ispis ličnog kartona
 - Izmjena konfiguracije za ispis ličnog kartona.
- **Dopuna modula Kadrovske evidencije novim dokumentima za unos podataka:**
 - Konfigurisanje dokumenta za plaćeno odsustvo
 - Definisane opcije za poništavanje i pregled poništenih stavki dokumenta
 - Kreiranje izvještaja za pregled podataka o plaćenom odsustvu
 - Konfigurisanje podataka za pregled plaćenog odsustva na ličnom kartonu
 - Definisane šprance plaćenog odsustva na ličnog kartonu
 - Kreiranje i unos šifrnika plaćenog odsustva.
- **Dopuna modula za evidencije dokumenata za unos detalja o učešću u oružanim snagama u BIH:**
 - Konfigurisanje dokumenata za unos detalja o učešću u OS BIH
 - Konfigurisanje ličnog kartona za dokument o učešću u OS BIH
 - Definisane šprance ličnog kartona za dokument o učešću u OS BIH.
- **Implementacija objekata i dokumenata za Komisije/radne grupe za Upravu policije**
- **Dopuna specifičnih zahtjeva za evidenciju Komisija/radnih grupa:**
 - Izmjene i dopune konfiguracije
 - Unos šifrnika
 - Dopuna izvještaja.

Član 2.

Nabavka je izvršena putem direktnog sporazuma, na osnovu Odluke broj 02-11-4-1377/21 od 16.03.2021. godine.

Ponuda Izvršioca usluga broj: 11366 od 18.03.2021. godine je sastavni dio ovog ugovora.

Ukupna cijena predmetne nabavke usluga iznosi 1.620,00 (jednahljadašeststotinadvadeset i 00/100) KM bez PDV-a.

Ukupna cijena predmetne nabavke usluga iznosi 1.895,40 (jednahljadaosamstotinadevedesetpet i 40/100) KM sa PDV-om.

Izvršilac usluga se obavezuje da se cijene iz Ponude neće mijenjati do isteka ovog ugovora.

Član 3.

Izvršilac usluga se obavezuje da će usluge iz člana 1. ovog ugovora izvršiti najkasnije u roku od 10 (deset) dana od dana prijema narudžbenice, na adresi Ugovornog organa, Zmaja od Bosne 9, Sarajevo.

Član 4.

Izvršilac usluga se obavezuje da svi podaci, informacije i dokumentacija kojima ima pristup, za vrijeme trajanja ovog ugovora, kao i nakon prestanka njegovog važenja, u skladu sa zakonom, a koji su prikupljeni tokom održavanja i nadogradnje sistema Ocean, predstavljaju poslovnu tajnu.

Izvršilac usluga se obavezuje da će sa podacima, informacijama i dokumentacijom iz prethodnog stava ovog člana odgovorno postupati i da iste dalje neće dijeliti trećim stranama ili neovlaštenim osobama, bez prethodne pismene saglasnosti druge ugovorne strane.

Član 5.

Nakon izvršene usluge koja je predmet ovog ugovora vrši se kvalitativno – kvantitativna primopredaja, uz sačinjavanje radnog naloga. Radni nalog treba da sadrži: naziv firme, adresa, kontakt, broj, datum, nalogodavac, uočeni nedostaci, sve izvršene radnje, normirano vrijeme koje je utrošeno za svako održavanje/nadogradnju pojedinačno, potpis Izvršioca usluga i potpis lica iz organizacione jedinice Sektora za pravne, kadrovske, logističke poslove, edukaciju i analitiku kao ovlaštenog predstavnika Ugovornog organa. Radni nalog se izdaje u dva primjerka od kojih svaka strana zadržava po jedan.

Ukoliko se konstatuju određeni nedostaci u kvalitetu ili kvantitetu izvršenih usluga sačinjit će se zapisnik o reklamaciji.

Član 6.

Izvršilac usluga se obavezuje priznati reklamaciju na kvantitet i kvalitet izvršenih usluga, koja će biti praćena zapisnikom o reklamaciji, uz obavezno navođenje nedostataka izvršene usluge. Izvršilac usluga je dužan da greške otkloni u roku od 7 (sedam) dana od dana sastavljanja zapisnika.

Usluga će se smatrati uredno izvršenom tek kada bude konstatovano da je primopredaja izvršena bez primjedbi.

Član 7.

Plaćanje se vrši u roku od 30 (trideset) dana od dana urednog izvršenja usluge i dostavljanja pojedinačne fakture, na tekući račun Izvršioca usluga.

Član 8.

Na ostala prava i obaveze ugovornih strana, koja nisu regulisana ovim ugovorom, primjenjivat će se odredbe Zakona o obligacionim odnosima.

Član 9.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.

U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.

Član 10.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

Član 11.

Ugovor stupa na snagu danom potpisivanja ovlaštenih predstavnika i traje do realizacije ugovorenih usluga i ugovorene vrijednosti.

IZVRŠILAC USLUGA
OCEAN računarski inženjering d.o.o.
Travnik

direktor Šerif Alagić



Broj: 849/21
Datum: 10.05.2021

UGOVORNI ORGAN
MUP KANTONA SARAJEVO
UPRAVA POLICIJE

POLICIJSKI KOMESAR
Generalni inspektor policije
Nusret Selimović



Broj: 02-11-4-1297-3/21
Datum: 29.04.2021. godine